

Bovdehus ja gilvoprográmma – ođđa dáidda Kulturráđi gudnebálkkašupmái

Kulturráđdi bovde rabas ovdakvalifiseremii hábmet ođđa dáidaga mii galgá geigejuvvot Kulturráđi gudnebálkkašumi vuotii. Ovdakvalifiserema maŋŋil gitta vihtta dáiddára válljejuvvojit giddejuvvon gilvui mas juohkehaš oažžu 40 000 ruvnno hábmet čoavddusevttohusa.

Ohcanáigi: Miessemánu 7. beaivvi 2025 dii. 13.00

- Almmuhus engelasgilli
- Almmuhus davvisámegilli
- Almmuhus julevsámegilli
- Almmuhus oarjelsámegilli
- Almmuhus kveanagilli

Kulturráđdi lea 1968 rájes jahkásaččat juohkán gudnebálkkašumi muhtimiidda geat leat dahkan mearkkašahtti doaimma Norgga dáidda- ja kultureallimis. Gudnebálkkašupmi sáhtá mannat ovttaskas olbmui, joavkkuide dahje projeavttaide. Bálkkašumi vuostáiváldi oažžu ruhtasupmi ja dáidaga. 1994 rájes gitta 2025 rádjái lea bálkkašumi vuostáiváldi ožžon bácci maid bázzedahkki Elena Engelsen lea dahkan. 2026 rájes galgá ođđa dáidda geigejuvvot bálkkašumi vuostáiváldái.

Dáidaga birra

- Galgá leat dáidda mii geigejuvvo vuotái Kulturráđi gudnebálkkašumi juohkima olis.
- Kulturráđi árvovuodđu ja gudnebálkkašupmi lea mearriduvvon Kulturráđi lágas ja Kulturráđi strategijias.
- Dáidda galgá ovddemustá leat bistevas objekta, muhto eará sorttat dáidagat maid árvoštallojuvvojit.
- Dáidaga galgá sáhttit buvttadit eanet gáhppálagaid ja/dahje jahkásaččat.

Buot dáiddarat/dáiddárjoavkkut sáhttet diedihit beroštumi dán bargui ohcama bokte. Ohcan galgá sisttisdoallat dokumentašuvnna bargguin maid lea ovdal dahkan, biografii/cv ja oanehis teaksta mii čilge manne ohcci háliida dán bargat (motivašunteaksta). Ovdakvalifiseremis ii oaččo báلكká.

Ovdakvalifiserema birra

Berošteaddji dáiddarat galget sáddet ohcama okta PDF-dokumeantta hámis mas leat eanemus gávccii siiddu veallut A4-formáhtas. Dokumeanttas galgá dáiddára namma namahussan ja galgá sisttisdoallat čuovvovačča:

- Siidu 1: Dáiddára namma.
- Siidu 2: Motivašunteaksta, eanemus 10 linjá/1000 mearkka.
- Siidu 3: Biografii/cv
- Siidu 4-8: Eanemus vihtta siiddu dokumentašuvdna relevánta ovdalaš bargguin. Bargguid namahusat, vuodđojahki, materiálat, dimenšuvnnat ja vejolaš linjkat jietnahje filbmafiillaide, galget gávdnot dokumeanttas. Linjkat eará neahttasiidduide eai rahppojuvvo.

- Mii eat háliit sárggastusaid dahje konkrehta čoavddusevttohusaid ovdakvalifiserema olis.
- PDF-dokumeantta galgá leat eanemus 12 MB.
- Ohcan sáddejuvvo deike: aeresprisen@kulturradet.no áigemearis mii lea miessemánu 7. beaivvi 2025 dii. 13:00.

Kulturráđđi árvoštallá ohcamiid mat bohtet ovdakvalifiseremii čoahkkimis geassemánu 11-12. beaivvi 2025. Ráđđi vállje gitta vihtta dáiddára ráddjejuvvon gilvui. Ráđđi vállje čuovvovaš kriteriaid vuodul: 1) dáiddalaš kvalitehtat, 2) barggu ipmárdus ja 3) lágidančehppodat.

Ráddjejuvvon gilvvu birra

Dáiddárat geat válljejuvvojit ráddjejuvvon gilvui, ožžot dieđu geassemánu 15. Beaivvi. Sii galget dasto buktit gilvoevttohusa golggothmánu 15. beaivvi 2025. Gilvoevttohus galgá fátmmastit sárggastusaid, fysalaš modealla ja/dahje gráfalaš representašuvnna fysalaš formáhtas, ovdánanplána ja bušeahta. Bálká lea 40 000 ruvnno. Ráđđi árvoštallá gilvoevttohusaid juovlamánu 10-11. beaivvi 2025.

Vuoiti oažžu dieđu juovlamánu 15. beaivvi 2025, ja son oažžu 400 000 ruvnno bušeahttarámman hábmet loahpalaš dáidaga. Diet bušeahtta boahtá ovdal namahuvvon 40 000, - ruvnno lassin.

Gilvoevttohusaid birra mat galget buktot

Gilvoevttohusat galget buktot sihke digitálalaččat ja fysalaččat:

- Digitála PDF galgá sisttisdoallat 1) visuálalaš ovdanbuktin, 2) projeaktačilgejuvvo mas lea ovdánanplána ja 3) bušeahtta ja gollomeroštus (geahča vuolábealde). Projeaktačilgejuvvo galgá čilget dáiddalaš ulbmila, lágidanproseassa, materiálaid, sturrodagaid ja birrasa vuhtiiváldima. Presentašuvdna hábmejuvvo veallut A4 formáhtas ja sáddejuvvo deike: aeresprisen@kulturradet.no.
- Fysalaš modealla ja/dahje gráfalaš representašuvdna fysalaš formáhtas gitta A2 sturrodahkii sáddejuvvo deike: Kulturdirektoratet, Pb 4808 Nydalen, dahje buktojuvvo deike: Kulturdirektoratet, Mølleparken 2, 0459 Oslo. Buktin soabaduvvo Jonas Ekeberg:ain, jonas.ekeberg@kulturdirektoratet.no.
- Gilvoevttohusaid áigemearri lea golggothmánu 15. beaivvi 2025.

Bušeahta ja gollomeroštusa birra maid galgá buktit

Gilvoevttohusa mielde galgá bušeahtta ja gollomeroštus:

- Bušeahtta galgá čájehit movt dáiddár áigu geavahit bušeahttarámma mii lea 400 000 ruvnno. Dat galgá fátmmastit buvttadusgoluid ja dáiddárbálkká vuosttaš lágideapmái borgemánus 2026. Bušeahtta galgá mitalit galle gáhppálaga dáiddár sáhhtá lágidit bušeahttarámma siskkobealde. Galle gáhppálaga dáiddár galgá buvttadit vuosttaš lágideapmái, lea šiehtadallanášši mas lea dáiddára bušeahtta vuodđun.
- Gollomeroštallan čájeha man ollu máksá buvttadit eanet gáhppálagaid dáidagis, juogo oktanaga vuosttaš lágidemiin dahje maññil. Dás lea rabas bušeahttarámma. Meroštallan galgá fátmmastit buvttadangoluid ja dáiddárbálkká.

Gilvoevttohusaid árvoštallama eavttut

Kulturráđđi áigu árvvoštallat gilvoevttohusaid čuovvovaš kriteriaid vuodul:

1. Dáiddalaš kvalitehtat

Kulturráđđi árvvoštallá gilvoevttohusaid dáiddalaš ja kulturfágalaš áddejumi mielde. Ráđi kvalitehtadoahpagiid digaštallojuvvojit go dat fátmastit iešguđetge ipmárdusaid ámmátčehppodagas ja fágalašvuodas.

2. Doaimma čoavddus

Dáidda geigejuvvo oktan ruhtasupmiin jahkásaš doaluin Kulturráđi bealis. Diekkár oktavuodas geigejuvvo dáibálaččat dáiddaobjeakta mii lea juoga maid bálkkašumi vuostáiváldi sáhtta váldit fárrui ruktosis bistevas muitun. Kulturráđđi sávvá vuosttažettiin ahte dáidda galgá leat bistevas objeakta. Kulturráđđi árvvoštallá liikká eará dáidagiid, earret eará auditiiva, performatiiva dahje girjjálaš dáidagiid mat čiekŋudit ja hástalit bálkkašumi jurdaga, mat doibmet meannun ja mat leat bálkkašumi vuostáiváldái bistevas muitun.

3. Lágideami kvalitehtat muđui

Kulturráđđái lea dehálaš bisohallat ámmátčehppodaga ja ekonomalaš beroštumiid. Adnojuvvo buorren jus dáiddár sáhtta buktit eanet gáhppálagaid gudnebálkkašumi dáidagis govtolaš haddái, dainna lágiin ahte lágideami kvalitehta ja dáiddára bálká ii gillá. Kulturráđđi háliida ahte dáiddarat váldet vuhtii birrasa doallelašvuoda go válljejit materiálaid ja bargguid buvttadeamis.

Vuoiti galgá buktit vuosttaš gáhppálagaid dáidagis borgemánu 2026. Gilvu rahpá hui iešguđetlágan dáiddalaš čovdosiidda. Dárkilis lohku barggus maid galgá buktit, ja bálká ja áigerámma buktit eanet gáhppálagaid, šiehtadallojuvvo danin dáiddáriin gii vuoitá.

Vuoigatvuodaid birra

- Dáiddáris lea dahkkivuoigatvuohta dáidagii.
- Dáiddarat geat oassálastet ráddjejuvvon gilvvus, addet Kulturráđđái vuoigatvuoda, liige buhtadusaid haga, almmuhit govaid ja oanehis dieđuid gilvoevttohusaid birra. Diet vuoigatvuohta gusto almmuhit Kulturráđi almmuhusain, doaimmaheaddjistivrejuvvon mediain ja sosiála mediain ráddjejuvvon gilvuu olis.
- Dáiddár gii vuoitá gilvuu, addá Kulturráđđái vuoigatvuoda, liige buhtadusaid haga, almmuhit govaid ja oanehis dieđu dan gárves dáidaga birra. Dát vuoigatvuohta gusto geardduhuvvon almmuhemiide Kulturráđi almmuhusain, doaimmaheaddjistivrejuvvon mediain ja sosiála mediain. Vuoigatvuohta ii leat ráddjejuvvon áiggi dáfus. Dáiddáris lea vuoigatvuohta geavahit govaid dáidagis márkanfievrridit iežas dáiddadoaimma. Eará geavaheapmi galgá čielggaduvtot Kulturráđiin.
- Kulturráđđi oažžu áidnavuoigatvuoda geavahit gárves dáidaga gudnebálkkašupmin ja eará almmolaš oktavuodain. Dáiddáris lea dattege riekti ráhkadit gitta golbma gáhppálaga dáidagis čájáhusaide iežas namas. Dáidára gáhppálagat eai sáhte vuvdojuvvtot rabas márkanis.

Áigeplána

- Njukčamánu 2025: Bovdehus rabas ovdakvalifiseremii almmuhuvvo
- Miessemánu 7. beaivvi 2025 dii. 13.00: Áigemearri ohcat ovdakvalifiseremii
- Geassemánu 15. beaivvi 2025: Ráddjejuvvon gilvuu oassálastit ožžot dieđu
- Golggotmánu 15. beaivvi 2025: Ráddjejuvvon gilvuu sisaaddináigemearri
- Juovlamánu 15. beaivvi 2025: Gilvuu vuoiti oažžu dieđu
- Borgemánu 2026: Dáidda lea gárvisin buvttaduvtot
- Čakčat 2026: Kulturráđi gudnebálkkašupmi 2026 geigejuvvo

Kulturráđđi lea gilvuu jury.

Gažaldagaid sáhhtá divvut Jonas Ekeberg:ii, fágaovddasvástideaddji visuálalaš dáidagii,
jonas.ekeberg@kulturdirektoratet.no.